

ЎЗБЕКИСТОН РЕСПУБЛИКАСИНинг ҲУҚУҚ ТИЗИМИДА МАЪМУРИЙ  
ҲУҚУҚНИНГ ТУТГАН ЎРНИ  
Хушбоқова Нигора Ғайрат қизи

Термиз давлат университети Юридик факультети Юриспруденция таълим йўналиши II  
босқич талабаси

<https://doi.org/10.5281/zenodo.6981579>

**Аннотация.** Уибу мақолада Ўзбекистон Республикасининг ҳуқуқ тизимида маъмурий ҳуқуқнинг тутган ўрни, унинг бошқа ҳуқуқ соҳалари ва фанлар билан алоқадорлиги, маъмурий ҳуқуқнинг предмети, субъекти ва манбаалари ҳақида батофсил ёритиб ўтилган.

**Калим сўзлар:** маъмурий ҳуқуқ, Эрих Кауфманн, деликт, оммавий ҳуқуқий фанлар, интернал, вертикал, горизонтал, юстицион ва юрисдикцион муносабатлар, мансабдор шахслар.

**РОЛЬ АДМИНИСТРАТИВНОГО ПРАВА В ПРАВОВОЙ СИСТЕМЕ  
РЕСПУБЛИКИ УЗБЕКИСТАН**

**Аннотация.** В данной статье подробно описывается роль административного права в правовой системе Республики Узбекистан, его взаимосвязь с другими отраслями и дисциплинами права, предмет, субъект и источники административного права.

**Ключевые слова:** административное право, Эрих Кауфманн, правонарушение, публично-правовые науки, внутренние, вертикальные, горизонтальные, судебно-юрисдикционные отношения, должностные лица.

**THE ROLE OF ADMINISTRATIVE LAW IN THE LEGAL SYSTEM OF THE  
REPUBLIC OF UZBEKISTAN**

**Abstract.** This article describes in detail the role of administrative law in the legal system of the Republic of Uzbekistan, its relationship with other branches and disciplines of law, the subject, subject and sources of administrative law.

**Keywords:** administrative law, Erich Kaufmann, offense, public law sciences, internal, vertical, horizontal, judicial-jurisdictional relations, officials.

**КИРИШ**

Юридик фаннинг маъмурий ҳуқуқ тармоғи ўз табиатига кўра давлат ҳокимияти ва бошқаруви органлари тизими қонуниятларини ўрганишна, айниқса ижро ҳокимияти бошқарув органларининг тузилиши, функциялари, вазифа ва ваколатларини, уларнинг фуқаролар ва юридик шахслар билан бўладиган муносабатларини ўрганишга йўналтирилган бўлиб, ушбу жараённи кузатиш, таҳлил қилиш ва замон талаблари асосида мазкур тизимнинг ҳуқуқий асосларини янада такомиллаштиришда катта аҳамиятга эга ҳуқуқ тармоғи ҳисобланади.

**ТАДЌИҚОТ МАТЕРИАЛЛАРИ ВА МЕТОДОЛОГИЯСИ**

Ўзбекистон Республикаси Президенти Ш.М.Мирзиёев ташаббуси ва Ўзбекистон халқининг бевосита қўллаб-қувватлаши натижасида Ўзбекистон Республикаси Президенти Фармони асосида қабул қилинган “2017-2021 йилларда Ўзбекистон Республикасини янада ривожлантиришнинг бешта устувор йўналишлари тўғрисидаги Ҳаракатлар стратегияси”да белгиланган устувор вазифаларнинг бири давлат бошқарувини марказлаштиришдан чиқариш, давлат хизматчиларининг касбий тайёргарлик, моддий ва

ижтимоий таъминот даражасини ошириш ҳамда иқтисодиётни тартибга солишида давлат иштирокини босқичма-босқич қисқартириш орқали давлат бошқаруви ва давлат хизмати тизимини ислоҳ қилиш;

мамлакатни ижтимоий-сиёсий ва ижтимоий-иқтисодий ривожлантириш бўйича вазифаларни амалга оширишда ўзаро манфаатли ҳамкорликнинг самарасини оширишга қаратилган давлат-хусусий шерикликнинг замонавий механизмларини жорий этиш;

давлат ҳокимияти ва бошқаруви органлари фаолиятининг очиқлигини таъминлаш, жисмоний ва юридик шахсларнинг ҳуқуқ ва эркинликлари ҳамда қонуний манфаатларига оид ахборотни тақдим қилишининг замонавий шаклларини жорий этиш;

«Электрон ҳуқумат» тизимини такомиллаштириш, давлат хизматлари кўрсатишнинг самараси, сифатини юксалтириш ва бу хизматдан аҳоли ҳамда тадбиркорлик субъектлари томонидан фойдаланиш имкониятини ошириш каби стратегик вазифалар белгиланди. Мазкур ҳужжат орқали ушбу вазифаларнинг кун тартибига кўйилиши Маъмурий ҳуқуқ тармоғини ўрганишга ва шу тариқа мазкур йўналишдаги ислоҳотларнинг ҳуқуқий жиҳатлари ва илмий асосланганлигини англаш заруратини юзага келтиради.

Зоро, давлат бошқаруви тизимини ислоҳ қилиш бир кунлик ёки бир йиллик иш эмас. Ушбу жараён давомийликни, узвийликни ва чуқур юридик, сиёсий, менежмент ва мантиқ соҳасидаги билим ва илмни талаб қиласди. Шундай экан, бугунги кунда юридик соҳада таҳсил олаётган талабаларнинг Маъмурий ҳуқуқ тармоғи борасидаги тушунчалари, билим ва кўникмаларини шакллантириш ва ривожлантириш алоҳида аҳамиятта эга.

Энди Маъмурий ҳуқуқ ҳақида озгина фикр алмашсак.

*Маъмурий ҳуқуқ – давлатнинг ижро ҳокимияти органлари тузилмаси ва фаолияти доирасини ўрганишга, уларнинг хусусий шахслар билан бўладиган ижтимоий муносабатлари кўламини ўрганадиган ҳуқуқ фанининг алоҳида мустақил тармоғидир.*

Шуни алоҳида таъкидлаш керакки, Собиқ Иттифоқ даврида шаклланган ва ривожланган маъмурий ҳуқуқ назариясида Маъмурий ҳуқуқ фанини деликт ((“деликт” лот. *delictum* – бузилиш, айб) – айнан айб (фуқаролик, маъмурий, интизомий ҳукуқбузарлик))лар, яъни ҳукуқбузарлик билан боғлиқ бўлган фан тармоғи сифатида қараш устун эди. Ваҳолангки, маъмурий ҳуқуқ бу позитив фан тармоғидир, уни фақатгина ҳукуқбузарликлар билан боғлиқ бўлган фан тармоғи сифатида қараш нотўғри, ҳар ҳолда бугунги кундаги илмий ёндашув чуқур инсонпарварлик нуқтаи назаридан келиб чиқиб, Маъмурий ҳуқуқни ижро ҳокимияти органлари билан хусусий шахслар ўртасида юзага келадиган ижтимоий муносабатларни ўрганишга қаратилган фан тармоғи сифатида қараш доктринаси шаклланиб улгурди.

“У бизларнинг орамизда, у кўпқиррали ва у ҳеч қачон уйқуга кетмайди” деб ижро ҳокимияти органларига баҳо берган эди 1966-йил немец ҳукуқшуноси Эрих Кауфманн. Дарҳақиқат, маъмурий ҳуқуқ айнан маъмурий органлар, яъни ижро ҳокимияти органлари фаолиятини ҳуқуқий томондан ўрганадиган сиёсий фанлар билан бевосита боғлиқ бўлган ўта муҳим ҳуқуқ тармоғи.

*Маъмурий ҳуқуқ – ўз табиатига кўра, оммавий ҳуқуқий (оммавий ҳуқуқ – умум (жамоат) манфаатини таъминловчи муносабатларни тартибга соладиган ҳуқуқ тармоқлари мажмуи) фанлар туркумига тааллукли бўлиб, ўзининг бошланиш “нуқтаси”ни Конституциявий ҳукуқдан ўзлаштиради. Бошқача қилиб таъкидлагандан, Маъмурий ҳуқуқ*

— бу конкретлаштирилган конституциявий хуқуқдир. Зеро, давлат бошқарувининг олий юридик асослари Конституцияда ўз ифодасини топади. Ва бундай ёндашув аксарият хорижий мамлакатлар хуқуқи ва амалийтига мос, яъни Асосий қонунда эътироф этилган устувор принциплар ва қоидаларни амалиётда, уларнинг ижро ҳокимияти органлари томонидан жойлардаги амалга оширилишини таъминлашда бошқарув органлари Олий қонун ва унинг асосида қабул қилинган қонунларга мос равишда фаолият юритади, давлат сиёсатини таъминлайди.

### ТАДҚИҚОТ НАТИЖАЛАРИ

Юқорида Маъмурий хуқуқ ўз негизини Конституциявий хуқуқдан ўзлаштиради деб таъкидлаган эдик. Жамиятдаги ижтимоий муносабатларнинг ривожланиши билан бушунги кунда Маъмурий хуқуқ тармоғи ҳам тизим ташкил этувчи фан тармоғига айланиб улгурди. Хусусан, Маъмурий хуқуқ негизида пайдо бўлиб, бугунги кунда мустақил фан тармоғи сифатида ўрганилаётган бир қатор Маъмурий хуқуқнинг соҳалари мавжуд. Жумладан, Молия хуқуқи, Давлат хизмати, Маъмурий процесс ва бошқалар. Ушбу хуқуқ соҳаларининг асоси, бошланиш “манбаи” Маъмурий хуқуқдир. Маъмурий хуқуқ эса ўз навбатида ўз бошланиш “манбаи”ни Конституциявий хуқуқдан олади.

Маъмурий хуқуқнинг асосларини Ўзбекистон Республикаси Конституциясининг қуидаги нормаларида кузатишимиз мумкин:

**2-модда.** Давлат ҳалқ иродасини ифода этиб, унинг манфаатларига хизмат қилади. Давлат органлари ва мансабдор шахслар жамият ва фуқаролар олдида масъулдирлар.

**3-модда.** Ўзбекистон Республикаси ўзининг миллий-давлат ва маъмурий-худудий тузилишини, давлат ҳокимияти ва бошқарув органларининг тизимини белгилайди, ички ва ташқи сиёсатини амалга оширади.

Ўзбекистоннинг давлат чегараси ва худуди дахлсиз ва бўлинмасдир.

**11-модда.** Ўзбекистон Республикаси давлат ҳокимиятининг тизими — ҳокимиятнинг қонун чиқарувчи, ижро этувчи ва суд ҳокимиятига бўлиниши принципига асосланади.

### XX боб. Вазирлар Маҳкамаси

Ўзбекистон Республикаси Вазирлар Маҳкамаси ижро этувчи ҳокимиятни амалга оширади. Ўзбекистон Республикаси Вазирлар Маҳкамаси Ўзбекистон Республикаси Бош вазири, унинг ўринбосарлари, вазирлар, давлат қўмиталарининг раисларидан иборат. Қорақалпогистон Республикаси ҳукуматининг бошлиғи Вазирлар Маҳкамаси таркибига ўз лавозими бўйича киради....

### XXI боб. Маҳаллий давлат ҳокимияти асослари

Вакиллик ва ижроия ҳокимиятини тегишилилигига қараб вилоят, туман ва шаҳар ҳокимлари бошқаради.

Туман ва шаҳарларнинг ҳокимлари вилоят, Тошкент шаҳар ҳокими томонидан тайинланади ва лавозимидан озод қилинади ҳамда тегишили ҳалқ депутатлари Кенгаши томонидан тасдиқланади...

Маъмурий хуқуқ ҳуқуқий фанларнинг аксарияти билан боғлиқ. Юқоридаги жадвалда унинг Конституциявий хуқуқга боғлиқлигини, мамлакатнинг Асосий қонуни нормалари асосида шаклланиши ва ривожланишининг гувоҳи бўлган бўлсак, қуида ушбу фаннинг **Фуқаролик хуқуқи** билан ҳам узвий алоқага эга эканлигини кўриб чиқамиз. Зеро, Маъмурий-хуқуқий муносабатларнинг асосий иштирокчиларидан бири бўлган Маъмурий органларнинг (вазирликлар, давлат қўмиталари, агентликлар, инспекциялар, ҳокимиятлар

ва ҳ.к.) хўжалик юритувчи субъектлар билан (хусусий тусдан юридик ва жисмоний шахслар билан) турли хил шартномавий-хуқуқий муносабатларга (хизматлар кўрсатиш билан боғлиқ бўлган) киришади.

Маъмурий хуқуқ ўз табиатига қўра **Жиноят хуқуқи** билан ҳам узвий боғлиқ. Бунга сабаб ҳар иккала хуқуқ соҳалари ҳам Оммавий хуқуқнинг мустақил тармоқлари эканлигидир. Жумладан, ҳар иккала хуқуқ тармоғи ҳам оммавий манфаатларни, яъни жамиятнинг аксарият кўпчилиги расмий тан олган ва белгиланган тартибда ўрнатилган қоидаларга мувофиқликни таъминлаш мақсадини кўзлайди. Хусусан, бирор бир фаолият учун лицензия олиш мажбурийлиги белгиланган бўлса, ушбу хуқуқ тармоқлари субъектлари (одатда улар давлат органларининг мансабдор шахслари) ўша умумбелгиланган мажбуриятни амалга ошириш доирасида фаолият юритади. Бошқача таъкидлагандан, мансабдор шахс мажбурият бажарилишини таъминлайди, тартиб ва қоида бузилган ҳолатда эса тегишди таъсир чорасини кўради (интизомий ёки маъмурий жавобгарликка тортиш орқали). Жиноят хуқуқи эса, барчамизга маълум бўлганидек яна ўша умумбелгиланган қоидалар асосида ижтимоий хавфли қилмиш содир этган шахсга нисбатан тегишли таъсир чораларини кўради.

Маъмурий хуқуқнинг бошқа хуқуқ тармоқлари билан ўзаро боғлиқлигини ёритишида **Халқаро оммавий хуқуқнинг** алоҳида ўринга эга эканлигига урғу бериш керак. Халқаро оммавий хуқуқнинг фарқи ва ўхшашликлари шундан иборатки, бунда ҳар иккала тарафлар ҳам оммавий ҳокимият ва бошқаруви органларидир. Фарқи шундаки, улар бошқа-бошқа давлатларнинг давлат ҳокимияти ва бошқаруви органларидир. Шундай экан, ушбу муносабатларга одатда, томонларнинг келишувига қўра тенг хуқуқий мақомларга эга бўлиш одат тусига кирган.

Шу ўринда Маъмурий хуқуқнинг **Меҳнат хуқуқи** билан ҳам ўзаро алоқадорлигини кўриб чиқсан. Шуни таъкидлаш жоизки, Маъмурий хуқуқнинг Меҳнат хуқуқидан фарқини ажратса билиш бирмунча назарий қийинчиликларга эга. Аммо шунга қарамасдан улар ўртасида салмоқли фарқ мавжуд. Энг аввало, Меҳнат хуқуқи ўз табиатига қўра, ижтимоий муносабатларнинг ривожланиши натижасида Фуқаролик хуқуқидан алоҳида ажralиб чиқгач, бугунги қунда алоҳида ўрганиладиган хуқуқ соҳасидир. Яъни, унинг ўзаги Фуқаролик хуқуқи. Ўхшашлиги шундан иборатки, Маъмурий органлардаги аксарият ходимлар фуқаролик-хуқуқий шартнома асосида ишга қабул қилинади. Аксарият ходимлар белгиланган вақт ва шароитларда ўз меҳнат фаолиятларини олиб боришади ва бу иш берувчи ва ҳодим муносабатлари сифатида баҳоланиб, меҳнат қонунчилиги билан тартибга солинади. Аксарият дейишимизга сабаб, ходимларнинг шундай тоифаси борки, уларнинг мақоми оддий ходимларга нисбатан бирмунча юқори ва масъулияти алоҳида, яъни маъмурий – хуқуқий нормалар билан тартибга солинади. Бундай ходимларни Давлат хизматчилари деб номлаш Маъмурий хуқуқ соҳасига маълумдир.

### МУХОКАМА

Ҳар бир хуқуқ тармоғи ўзининг предмети, субъекти ва манбааларига бир-биридан фарқ киласди.

Шундай қилиб, **Маъмурий хуқуқнинг предметини** давлат бошқаруви органлари фаолиятида бошқарув билан боғлиқ бўлган ҳамда уларнинг жисмоний ва юридик шахслар билан муносабатлари натижасида юзага келадиган ижтимоий муносабатлар ташкил этади.

Бу таърифни янада аниқ ва тушунарли қилиб изоҳлайдиган бўлсак, Маъмурий хукуқ предмети доирасига киравчи ижтимоий муносабатларни қўйидаги шартли гурӯхларга бўлиш мумкин.

**Давлат бошқаруви органларининг бошқарув билан боғлиқ бўлган муносабатлари.**

Ушбу муносабатлар ҳам ўз навбатида З хил кўринишга эга.

*а) давлат бошқаруви (ёки “Маъмурий орган”) органининг интернал, яъни ички иши юритув билан боғлиқ бўлган муносабатлари;*

*б) давлат бошқаруви органининг вертикал, яъни юқори ва қуий турувчи давлат бошқаруви органлари билан бўлган муносабатлари;*

*в) давлат бошқаруви органининг горизонтал, яъни бир бирининг бўйисинуvida бўлмаган давлат бошқаруви органлари билан бўлган муносабатлари.*

**Давлат бошқаруви органларининг хусусий шахслар билан боғлиқ бўлган муносабатлари.**

Ушбу муносабатлар ҳам ўз навбатида З хилга эга.

*а) давлат бошқаруви органи ва хусусий шахслар ўртасидаги тартиб-таомиллар билан боғлиқ бўлган муносабатлари;*

*б) давлат бошқаруви органи ва хусусий шахслар ўртасидаги юстицион муносабатлар;*

*в) давлат бошқаруви органи ва хусусий шахслар ўртасидаги юрисдикцион муносабатлар.*

У ёки бу ижтимоий муносабатларни бирор бир фан тармоғи предметига таалуқлиги масаласини таҳлил қилишда унинг иштирокчиларини, яъни субъектларини аниқлаштириш мухим.

**Маъмурий хукуқ субъектларига қўйидагилар киради:**

*Ўзбекистон Республикасининг давлат бошқаруви органлари ва уларнинг мансабдор шахслари;*

*Ўзбекистон Республикасининг фуқаролари;*

*Ўзбекистон Республикасининг юридик шахслари;*

*Фуқаролиги бўлмаган шахслар;*

*Белгиланган тартибда аккредитациядан ўтган хорижий мамлакатларнинг юридик ва жисмоний шахслари.*

Таъкидлаш жоизки, ушбу субъектлар ичида давлат бошқаруви органлари ва уларнинг мансабдор шахслари алоҳида “мақомга” эга. Чунки, юқоридаги кўрсатилган субъектлар ўртасида юзага келадиган ижтимоий муносабатларни Маъмурий-хукуқий муносабатлар деб таърифлаш учун унинг бир томонда шартли равища давлат бошқаруви органлари ва уларнинг мансабдор шахслари иштирок этади.

Маъмурий хукуқ субъектлари ичида давлат бошқаруви органлари ва улар мансабдор шахсларининг ўзига хос хусусияти шундаки, ушбу муносабатларда “шартларни” оммавий бошқарув органлари белгилайди. Уларнинг бундай мақомда бўлиши аввал таъкидлаганимиздек, умумдавлат миқёсида давлат ҳокимияти органлари томонидан белгиланган нормалар асосида ҳаракат қилиши шарти билан изоҳланади.

Бошқача қилиб таъкидлаганда, улар ҳалқнинг, жамиятнинг умумий манфаатларидан келиб чиқиб, қонун нормалари асосида ҳаракат қилишини билдиради.

Ўзбекистон Республикаси Президенти Ш.М.Мирзиёев таъбири билан айтганда, “Халқ давлат органларига эмас, давлат органлари халқга хизмат қилиши керак”

**Маъмурий ҳуқуқнинг манбааларига қўйидағилар тааллуқли:**

Ўзбекистон Республикасининг Конституцияси;

Ўзбекистон Республикасининг Қонунлари ва Кодекслари;

Ўзбекистон Республикаси Президенти ҳужжатлари;

Ўзбекистон Республикаси Вазирлар Маҳкамасининг ҳужжатлари;

Давлат бошқаруви органларининг расмий ҳужжатлари;

Маҳаллий ҳокимларнинг расмий ҳужжатлари.

**ХУЛОСА**

Аввал таъкидлаганимиздек, Маъмурий ҳуқуқ ўзининг бошланиш асосини Конституциявий ҳуқуқдан бошлар экан, табиий равишда Ўзбекистон Республикасининг Конституцияси унинг энг асосий ва биринчи манбааси бўлади.

Кейинги поғонада энг муҳим ва Маъмурий ҳуқуқда кўп ишлатиладиган манбаалардан бири Қонунлар ва Кодекслардир. Айрим адабиётларда у ёки бу қонунни ёки Кодексни алоҳида кўрсатиб, айни шу қонун ёки Кодекс Маъмурий ҳуқуқнинг манбааси деган фикрларни учратиш мумкин. Таъкидлаш керакки, ушбу ёндашув унча тўғри эмас ва назаримизда ҳар қандан Қонун ёки Кодекс – бу Маъмурий ҳуқуқнинг бевосита манбааси бла олади.

Маъмурий ҳуқуқ манбааларининг кейинги шаклини қонуности ҳужжатлари ташкил этади. Буларга Ўзбекистон Республикаси Президенти ҳужжатлари, Ўзбекистон Республикаси Вазирлар Маҳкамасининг қарор ва фармойишлари, давлат бошқаруви органларининг расмий ҳужжатлари ҳамда маҳаллий ҳокимларнинг расмий қарорлари киради.

**REFERENCES**

1. 2017-2021 йилларда Ўзбекистон Республикасини янада ривожлантиришнинг бешта устувор йўналишлари тўғрисидаги Ҳаракатлар стратегияси // Ўзбекистон Республикаси Президентининг “Ўзбекистон Республикасини янада ривожлантириш бўйича Ҳаракатлар стратегияси тўғрисида”ги Фармони № ПФ-4947 сон. 07.02.2017 йил. <https://lex.uz/docs/3107036>;
2. Ўзбекистон Республикаси Адлия вазирлиги. Тошкент давлат юридик университети. Муратаев С.А., Мусаев Б.Т., Артиков Д.Р. Маъмурий ҳуқуқ ва процесс. Дарслик. Тошкент – 2020 йил;
3. Ўзбекистон Республикаси Конституцияси. Т. “Ўзбекистон” 2019 й. <https://lex.uz/docs/2059>
4. Ш.М.Мирзиёев. эркин ва фаровон, демократик Ўзбекистон давлатини мард ва олижаноб халқимиз билан бирга қурамиз // Шавкат Мирзиёевнинг Ўзбекистон Республикаси Президенти лавозимига киришиш тантанали маросимига бағишлиланган Олий Мажлис палаталарининг қўшма мажлисидаги нутқи. 14.12.2016. <http://president.uz/uz/lists/view/111>.
5. Юсупова Ф. СТАТЬЯ 40 КОНСТИТУЦИИ РЕСПУБЛИКИ УЗБЕКИСТАН КАК ГАРАНТИЯ РЕПРОДУКТИВНЫХ ПРАВ ГРАЖДАН //Review of law sciences. – 2020. – Т. 3. – №. Спецвыпуск. – С. 60-65.

6. ТЕЛЕМЕДИЦИНСКИХ, ИСТОРИЯ РАЗВИТИИ И ПРИМЕНЕНИЙ, and  
ТЕХНОЛОГИЙ В. РЕСПУБЛИКИ УЗБЕКИСТАН. "GOSPODARKA I INNOWACJE."